

開州志卷之五

王崇慶集

官師志第五

古聖君師顓頊高陽氏姬姓祖曰黃帝父曰昌意昌意娶蜀山氏之女昌僕是為女樞感瑤光貫月之祥生帝於若水年十歲佐少昊年二十即帝位以水德紹金天氏為天子初國高陽故號高陽氏都帝丘始為民師而命以民事帝作歷以孟春之月為元是歲正月朔旦立春五星會於天歷營室冰凍始泮蟄蟲始發雞始三號天曰作時地曰作

開州志

卷之五

乙

昌人曰作樂鳥獸萬物莫不應和故顓帝為歷宗

出太紀及古史

王崇慶曰按顓頊都帝丘始為民師而命以民事其萬世官師之鼻祖與然不可以官師倫也故特書古聖表之自此而下始叙官師於歷代焉

知州一人同知一人判官二人吏目一人凡五人知州之職掌郡治統其屬而守郡地妥郡民以承流宣化任六事一曰吏二曰戶三曰禮四曰兵五曰刑六曰工同知貳於守判官斷郡之雜吏目贊

於幕制也

儒學學正一人訓導三人凡四人學正總其教訓導分其課程而作諸生亦制也

陰陽典術一人醫典科一人僧正一人凡三人陰陽主日醫掌醫僧正統緇流率清規亦制也

王崇慶曰夫列其官數其人稱其職見王制也述歷代于前繼當代于後叅勸戒也乃若京朝之官或以左遷佐郡則員外設也

漢魯共王子政漢武帝封為瑕丘侯賢封為臨河侯

開州志

卷之五

二

王崇慶曰官師書侯大君命也曰瑕丘臨河地以爵而繫也

魯峻字仲嚴山陽昌邑人治魯詩顏氏春秋初舉孝廉除郎中謁者遷東郡頓丘令歷拜屯騎校尉以病遜位熹平元年卒

王崇慶曰夫位以病遜其志藏也視汲汲於富貴而忘返者賢矣

東漢耿國字叔慮耿弇弟也曾為頓丘令吏人稱之徵為中郎將

袁紹為濮陽令素公族豪俠將歸車徒甚盛將入

郡界乃謝遣賓客曰吾輿服豈可使許子將見遂以單車歸家

王崇慶曰本初世家子而能藏抑如是蓋不獨崇謙亦可以消妬噫本初其拔俗矣乎

鍾離意會稽山陰人也建武中除瑕丘令

胡質字文德壽春人為頓丘令少與蔣濟知名江

淮曹操質於濟濟曰質規模大畧不及於父父敏字通

達至於精良綜事過之即召為頓丘令

魏曹操字孟德征孫權留子植守鄴戒之曰吾昔為頓丘令時年二十二思此時所為無悔於今汝

開州志

卷之五

三

今亦年二十三矣可不勉與

曹衮武帝庶子母杜夫人少好學十餘歲能屬文黃初二年進爵為公三年徙為濮陽王太和二年就國尚儉約

晉懷帝永嘉二年東海王越即司馬越鎮鄆城劉淵攻

汲郡畧有頓丘河內之地八月王自鄆城遷頓於

濮陽

邵攀石勒署為頓丘太守晉愍帝建興二年九月中郎將劉寅克頓丘為寅所害

韓弘為濮陽太守晉愍帝建興三年秋石勒陷濮

陽遇害

程衛字長玄廣平曲周人少立操行彊正方嚴劉毅聞其賢辟為都官從事補洛陽令歷頓丘太守卒於官

鄭琰為頓丘太守成都王穎常使為右長史與盧志等共討趙王倫

馮嵩為頓丘太守嘗執成都王穎及普廓送鄴荀崧臨穎人魏太尉彧之玄孫也志操清純雅好文學泰始中詔崧代兄襲父爵補濮陽王允文學太寧初以平王敦功封平樂伯

開州志

卷之五

四

魏植為頓丘太守為流人所逼衆五六萬大掠兗州將軍荀晞攻滅之

戴僧施未詳何許人為建武將軍濮陽太守嘗得歷代傳國璽其文曰受命於天既壽永昌秦時之所製也獻之建鄴

南宋張次惠晉張華之後為濮陽太守徐熙東海人為濮陽太守好黃老

南齊王明為濮陽令

北齊韓鳳昌黎人帝始於黎陽臨河築城戍曰急時且守此作龜茲國

李曉字仁畧武定末以世道方太乃入都從仕除頓丘守卒

梁侯景字萬景朔方人有膂力善騎射以擒葛賊擢定州刺史封濮陽郡公

後魏鄭雲字道漢濮陽郡守貪穢狼藉

崔巨倫博陵人也為濮陽太守

洞林字敬叔司州都官從事滎陽邑中正濮陽太守坐貪穢除名

王崇慶曰考之鄭雲則貪穢狼藉洞林則貪穢除名夫以貪穢一而名有除否豈當時執

開州志

卷之五

五

法有公私而二人之惡有淺深故邪並錄於志示戒遠矣

竇成為頓丘太守遂家頓丘之衛國

邢臧字子良河間人也除濮陽太守

隋徐元起字山丘隋濮陽太守徐世勣之後也

慕容遐燕人隋高祖時為澶水丞漢王反抗節不從以誠節聞於世

唐崔季重為濮陽太守

韋濟開元初調鄆城令或言吏部選縣令非其人既衆謝有詔問所以安人者對凡二百人惟濟居

第一

崔瓘博陵人代宗時為澶州刺史不為煩苛人便安戶流亡還歸居二年增戶萬數詔特進五階以寵異政仕終湖南觀察使

嚴挺之名浚華州人少好學資質軒秀舉進士並擢制科調義興尉號才吏進給事典貢舉時號平允改濮汴二州刺史所至皆嚴威吏至重足而脇息

王崇慶曰政不嚴則吏不憚吏不憚則民不安茲挺之所以號才吏乎

開州志

卷之五

六

李秀林太和中自中書博士為頓丘相豪右畏之李廷弼范陽人自云常山愍王之後為澶州刺史竇承胤為濮陽叅軍蓋漢孝文皇后兄竇甫及廣國之後也

出唐宰相世系表

王崇慶曰李廷弼宗室也而以刺史顯竇承胤國戚也而以叅軍錄亦足以見勢分門第之不足恃繁華富貴之不可常也乎

竇禹鈞薊州漁陽人與兄禹錫皆以辭學名唐天祐末起家幽州掾歷沂鄧安同鄭華宋澶州支使

判官

此以上俱新增

五代梁王彥章壽張人善鉄鎗人呼為王鉄鎗仕後守澶淵唐莊宗襲之獲其妻子誘彥章降彥章斬其使及鄆州兵敗被執莊宗欲用之彥章曰予受梁恩位至將兵敗力窮死自其分朝事梁而暮事唐我何面目見天下人乎遂死之有歐陽脩畫

象記

此以下多舊志亦有新增者

王崇慶曰嗚呼五代史永叔盡之矣慶嘗得其至有恥者一人曰王彥章焉又嘗得其至無恥者一人曰馮道焉故不有彥章何以見五代之有人不有馮道何以見五代之卒亂

開州志

卷之五

七

百世而後公論既定流芳遺臭各有攸屬噫可畏甚哉

李存審字德祥陳州宛丘人存審在晉累以功遷梅海節度使加同中書門下平章事契丹圍燕州晉遣存審救之擊走契丹復與梁軍相遇乃敗梁軍於土山遂取得勝乃築河南北為兩城謂之夾寨遷存審為馬步軍總管以守之梁屢攻得勝南城不克

郭榮本柴姓後周太祖養子嘗領澶州後繼周為世宗

魏丕世宗鎮澶淵時辟為曹官時有盜五人獄具不疑其冤緩之不數日果獲真盜

張永德字抱一并州陽曲人顯德四年從克壽州還制授檢校太尉領鎮寧軍節度

吳廷祚字慶之并州太原人少頗讀書從世宗征劉崇為北面都巡檢使師還權判澶州

宋韓崇訓乾德中出為澶州河南北都巡檢使安守忠并州晉陽人開寶中改濮州刺史會河決澶州命守忠副潁州團練使曹翰護役河決遂塞曹翰周世宗鎮澶淵署為牙校開寶中會河決澶

開州志

卷之五

八

州令翰董其後翰出銀器助役沉所乘白馬以祭王崇慶曰考之曹翰於周為牙校於宋復治河之役其去就大義已無足論及觀其沉馬祭河雖若救民然以誅心律之亦不過捐小利以要功名耳其後江州之屠殺人如草芥則其始終之大較居然莫可掩矣孰謂翰之殘忍薄倖而有善終之理哉子孫乞丐之報宜矣

符昭愿彦卿之子謹厚謙約頗讀書開寶中知澶州

皇甫繼明冀州人太宗即位遷捧日都指揮使領澶州刺史

魏咸信太平興國初以吉州觀察使守澶州訓練卒伍契丹不敢入寇真宗即位知曹州

李昭述當其知澶州時河決澶淵久未塞會契丹使來乃命昭述城澶淵以治堤為名調兵農八萬逾旬而就

孔守正開封浚儀人淳化中護浚惠民河決澶州塞河命知州軍

姚仲孫知澶州河壞明公埽仲孫親總役堤上埽

開州志

卷之五

九

一夕復權知大名府夜領禁兵塞金堤決河是歲澶魏雖大水民不及患

陳恕南昌人少為吏後舉太平興國進士知澶州馬應圖濮州鄆城人太宗時為頓丘令

賈黃中南皮人淳化四年冬與李沆並罷明年知襄州上言母老乞留京改知澶州

吳元宸字君華廷祚子也知河陽淳化五年秋澶陝悉罹水災民多構木樹杪以避水元宸命濟以舟楫設餅以食所部獲安真宗即位移知澶州韓億真宗時通判河決億集頻河丁夫芟代親督

築塞不賦於民而河患平仁宗時知澶州尤有惠政

薛惟吉居正子縱酒不謹後盡革故態真宗知其改行令知澶州

張逸滎陽人進士及第知襄州謝泌薦之真宗問所欲何官逸對以母老在家願得近鄉幕職授澶州觀察推官以母喪去

任仲師濟陰人真宗時兩知澶州後進龍圖閣學士

王貽永性清慎寡言不好聲技咸平中歷知澶定

開州志

卷之五

十

二州遷耀州觀察使復知澶州

葛霸真定人景德元年河決澶州命為都部署未行屬北邊有警真宗議親征以霸為西面邢洛路都部署

寇準字平仲華州下邳人舉進士累官同中書門下平章事景德時契丹內寇準請備之冬契丹大入急書一夕凡五至帝大駭以問準準曰陛下欲了此不過五日爾因請帝幸澶州同列懼欲退準止令候駕起帝難之欲還內準曰陛下入則臣不得見大事去矣請母還而行帝乃議親征召問群

臣方畧既而契丹直犯貝魏中外震駭王欽若陳堯叟皆請南幸帝以問準準曰為陛下畫此策者罪可誅也今陛下神武將臣協和若大駕親征賊自當遁去不然出奇以撓其謀堅守以老其師勞佚之勢我得勝筭矣柰何棄廟社欲幸遠地人心崩潰賊乘勢深入天下可復保耶遂請帝幸澶州及至南城契丹兵方盛衆請駐蹕以覘軍勢準與高瓊急請帝渡河御北城門樓遠近望見御蓋踴躍歡呼聲聞數十里契丹相視驚愕不能成列帝盡以軍事委準準承制專決號令明肅士卒喜悅

敵數千騎迫城下詔士卒迎擊斬獲大半乃引去王崇慶曰澶淵之役準之功幾於盖世不可不謂偉也及觀讒者四起厥禍又幾於亡身斯亦戚矣然則功名之際無亦難處矣乎曰君子知義之可否不計事之成敗利鈍為寇老當時處其斯道與

周瑩景城人祥符間以都部署知澶州

靳懷德高唐人祥符中知澶州悉心撫治政績著聞

陳堯咨閬州人以宿州觀察使移知天雄後改判

澶州令行禁止境內肅然

陳若拙字敏之思議之子也知澶州蝗旱之餘勤於政治部民列狀乞留天禧二年卒

寇城天禧中河決澶淵城為轉運使視役河上堤墊數里衆皆奔潰城獨留自若湏臾水為折去衆皆異之後知滑州總領河防有功擢樞密直學士柴宗慶大名人仁宗即位知澶州祖禹錫鎮軍節度使

劉平開封祥符人景祐中知澶州時議塞河而平言不知河事乃徙滄州

開州志

卷之五

十一

張觀字思正絳縣人少謹厚好學有鄉曲名康定中知相州徙澶州

田瑜字資忠河南壽安人慶曆中徙知澶州

沈邈字子山弋陽人進士及第慶曆中知澶州

章衡浦城人嘉祐二年進士第一神宗時拜宣文閣待制知澶州

李端懿嘉祐五年除寧遠軍節度使知澶州

王德用以保寧軍節度使知澶州契丹使劉六符至比歲大熟非仁政之所及乎德用曰明天子在
上豐年乃其常耳後以使相再判是州民喜曰黑

王相公來矣

劉渙治平中知澶州河圯地震民乏粟率賤賣耕牛渙盡發公錢買之明年民無牛耕價十倍乃出所市牛以原直與民賴不失業

程顥判澶州帥府熙寧間河決曹村顥監督兵卒築塞其帥付以印俾從宜區處乃募善水者御細索度西引大繩繼之使得往來依據以料理下埽以而兩岸將圯難施人力顥默祝於水畔曰此水不塞必為國患俄有大樹流至顥默祝如得此木橫於埽口庶幾可塞已而果然於是夫丁齊力下

開州志

卷之五

十二

埽捲之河遂塞後顥去河復大決衆曰使程公在必不至此也

王崇慶曰自古治水莫如禹聖人盡性故也時乎新法方行舉世見利而不見道斯固狂瀾莫之有極然則砥柱之功非先生而誰

江仲達皇祐間為頓丘令修縣治有江休復記陳與乂洛人登政和三年上金甲科授開德教授韓濤元豐初以右諫議大夫出知州事時河決濤晝夜捍禦推餘力修理學校以崇治道民沾詩書之化

李立之元豐四年夏四月河決澶州詔立之築堤捍之自大名至於瀛州

瀛州今河間府也

王崇慶曰河決者澶之一州耳宋史乃曰築堤捍之自大名至於瀛州何見勞民甚也勞民甚必傷財極有國之所必慎也今州之長堤固在有覩是而思前人者與

王令圖元豐八年知澶州議乞修復大河故道高枋為防禦判官嘗有軍校盜官木防禦使張從恩欲殺之給云判官使為從恩問枋枋誣服軍校免死從恩遣枋去又追還之終不自明後歲餘從

開州志

卷之五

十四

恩知之倍加禮異

李肅之為通判時契丹使將過而樓堞圯壞肅之鳩工措城屋凡千區已而中貴御命來視規置一新驚賞嗟異聞之於朝

李沆為澶州通判時趙昌言掌漕湖謂沆有台輔之器表聞於朝後果登相

王崇慶曰夫君子之善不一而薦賢為最小人之惡不一而妬賢為最是故人之薦賢與妬固各從其類而已矣易曰朋來无咎言君子合而後事可亨也

任布為州慈祥豈弟民以不擾

陳觀知州時河壞孫陳埽州人大恐或請趨北原
避水觀曰太守獨去如州民何乃躬率卒徒增築
之堤完水亦退

梁適東平人顥之子以翰林侍讀學士知澶州有
善政

楊棣建炎間守開德他出弟彭年代領其郡金兵
攻城遂降歸盡殪金守卒嬰城固守金兵復大至
屠其城兄弟皆死今州城金沙山乃其廛處

王崇慶曰建炎之間宋室南渡胡騎交於中

原我郡不絕蓋無幾矣棣也勵兵守城屹不
可奪而至繼之以死吁亦偉矣其精忠之氣
至於今仰貫白日一沙丘豈足以蓋之哉顧
時異勢殊莫有表者使之埋沒於荒煙野草
幾四百年於茲矣嗚呼有天地必有覆載有
日月必有照臨有君子必有公論然則立廟
食功者或庶幾見之與

金裴滿大安初刺史勤敏公廉諸務咸集而公堂
宴寂一郡稱治

高德裔為開州刺史嘗作杏壇銘

元劉德裕本遼東丹陽王耶律之胄嘗歷州郡多異政至元中為州尹廉平公正化行俗美百姓為之立碑

弭禮燕山人大德間詔以朝列大夫起家拜開州尹能愛恤百姓約束吏卒

蒲居仁至治壬戌任郡未詳何許人

耶律楚材字晉卿生三歲而孤母楊氏教之學章宗時同試者十七人楚材所對獨優後仕為開州同知

張禎大梁人登元統進士至正初為州尹承寇盜

開州志

卷之五

十六

之餘兵食方急民力凋耗乃立三等九甲之法重輕適宜民心悅服及去民為立遺愛碑

開州達魯花赤石不花歹頗著政績同僚忌之脫別台至正十年由河間都轉運司判官來大名以三品印分鎮開滑其應酬事物暗合程度吏民畏服而撫慰校卒尤厚十二年會賊大起入開州恣意殺掠公適自河上師驍勇馳至斬閔入戰賊衆奔潰斬首數千級越一日又戰殺百人獲甲仗馬畜甚衆又五日始合都省兵盡撲滅之公每戰乘赤騎聲呼若雷目眦盡裂蒼髯棘立所向披靡

前後手刃百餘人賊既平陞徐州兵馬指揮使民立碑以紀其績

趙克明相臺人大德間為濮陽縣尹

阿里沙延祐間為開州達魯花赤

李信為開州尹

蕭伯顏為開州同知

劉政開州判官

王景哲濮陽縣尹

自阿里沙至此俱延祐間任以序當在至正上

張持敬至治二年任同知

杜欽字敬之清豐縣人至正間為開州錄事

開州志

卷之五

十七

大明知州文有禎許州人儒士歷春坊贊善洪武二十五年任舊志稱其公庶有為不畏強禦民安廢舉代去民猶懷之

王景彰守州稱能有忠烈公祠記辭頗宏偉

張泰蒙城人舉人永樂年間守郡執法無玷

魏溥正統間知州未詳其政

李迪江西興國人監生景泰初任舊志稱其平

謝鳳上虞人舉人天順七年守郡興學愛民人多慕之

劉盤舉人甫三月轉官去或曰河南人或曰寧國

人

羅楫淳化人

彭經四川長壽人進士嘗與學正張源清相構幾致大獄故老猶能述之

王崇慶曰正已而作興學校有司之責也勤教而不干有司教官之責也各欲自盡而已乃若反是而互相傾軋殆非所以示風教也子聞彭張之事深有感焉是用及之

胡璟江寧人進士成化間守開民樂其政

王瑩山陽人進士弘治初守州能書善歌政令寬

開州志

卷之五

十八

雅有古風烈士民愛之以治績陞南京員外郎官至知府

李嘉祥貴池人丙辰進士弘治十年任後擢南京戶部員外郎卒舊志稱其公勤明敏民吏畏服嚴於勸課士習丕變毀淫祠佛寺慶嘗及見之公形不踰中人天才振發見事風生慨然有凌駕三代之志屠奸翦弊動中機會莫可測度人視之如雷電鬼神云至於感時事而陳利害辭情慷慨聽者改容嘗具䟽語侵權宦人皆危之而公自若也使士風日趨雅道民俗日有生氣自國初以還一人

而已嗚呼可謂雄刺史哉正德丁丑同知潘埴入公於名宦祠

徐麟龍游人進士弘治十五年知州未幾以制還官至郎中

陳宏山西人舉人弘治十八年知州性粗直無他惡每聽事小觸輒怒怒輒嫚罵甫及一年御史王綬以宏嘗尹確山慢已糾之而去

王崇慶曰禮謂忿言不反諸身言罵辱不可加諸人也況為政者邪昔張思叔詈其童僕程子曰何不動心忍性觀乎此則知古人之

一言一動無非教矣

譚綬石泉人舉人正德元年知州下車頗振勵似能有為興學重儒多所修舉有時或乘醉至事有乖常尋復悔之亦民牧之賢者然酷信釋氏君子以為未聞道也

王棟南充人進士年頗少正德四年來任州英發而有為輕捷而善射每演武輒先為民兵倡盜相戒不敢入境里巷惡少尤憚之然頗踈於聽訟酷愛黃白燒鍊之術士論惜焉叅議卒

王崇慶曰夫物之美惡不可得而易也是故

金白金鉄自鉄然而方外乃有點鉄成金之
說嗟乎世寧有是理邪借使有之君子亦且
羞為况未必有哉顧聰明者徃徃惑焉又從
而酷嗜無已子哀其愚而病其妄破之以論
王濟丹徒人舉人授國子學録擢御史以事補外
正德六年任州然每以御史自多矜傲之色猶形
於作郡時

何璧蘇州人進士正德七年知州未幾以心疾自
經而卒郡民悲之

郁侃上海人進士任御史以事補外正德八年知
開州志

卷之五

二十

州性頗急聽訟與民相辯至或不及施刑輒自起
拔民之髮然亦旋復知悔官至潮州府知府

張懋賢鄞縣人進士正德十一年知州長髯鬚雅
度雍容好吟咏揮染能飲而郡事不廢陞建昌益
府長史為王所禮

龍大有茶陵人進士正德十六年知州舉止若亢
不可近然中亦無他文章愛學左氏體尋以憂去
歷官廣西副使

朱紉長洲人進士嘉靖二年知州初論者以為似
有池陽風擢南京刑部員外郎調吏部郎中陞叅

議江西

嘉祥李公貴池人
故稱池陽後放此

張寰崑山人進士嘉靖六年任雍容以孚民談笑而集事博雅好古有良吏風所交多海內豪傑之士久之以政績擢秋官員外郎尋上疏終養歸一時之士多推之者

夏國孝涪州人進士嘉靖七年知州擢南京戶部員外郎

孫巨鯨陝西徽州人進士嘉靖十年知州

龔轅太倉州人進士工部郎中十四年三月補開

同知左遷者五人

開州志

卷之五

廿一

何塘河內人進士翰林修撰正德八年補開公在武廟獨不屈節於逆瑾天下聞而高之慶嘗評公有一介不取之廉有萬夫不奪之勇君子曰信而徵歷擢禮部左侍郎

王寵婺源人進士工部主事署員外郎正德十一年補開

潘塢山陽人進士兵科都給事中立朝有大節多所建白一時莫不想聞其風采正德十一年補開有正祀錄行於時歷擢都察院副都御史

夏謐進賢人進士工部主事嘉靖六年補開陞廣

平府通判

高仲嗣祥符人進士工部署員外郎嘉靖十年補
開陞嘉興府同知

判官左遷者五人

趙宗僑居京師故遂為京師人進士授御史正德
十一年補開後陞曲周縣知縣

余珊桐城人進士授御史正德十一年補開歷陞
江西僉事卒於按察使珊為人落落多聞見亦有
風節然好踈放有時如狂無謙恭體人頗以是少
之

開州志

卷之五

廿一

鮮一貫交城人進士吏科都給事中嘉靖六年補
開少有才名發鮮三晉陞濟陽縣知縣

李仁東阿人進士戶科都給事中嘉靖十二年補
開

施一德崇明人進士廣西道監察御史十三年十
一月補開未幾推建寧府

王崇慶曰君子入而樂乎君出而樂乎民無
徃而不為道也吾觀十人聚我一郡僅二十
一年可不謂盛乎是故特書

同知馮朝泰洪武六年任

王亨濟南人正統間同知州事卒於官

王彬慈谿人天順癸未任

詹靖成化七年任以上皆不可考其政

王定監生性粗鄙嘗與池陽論事明倫堂幾於詬罵嘉祥正色為包容之定猶不知悔焉

王義監生

王寬監生以上弘治間任

劉珏涇陽人吏員正德初任能自安其量而不敢侮士夫

郭曦山西人舉人正德七年任陞通判去

開州志

卷之五

廿二

徐山廬州人監生正德十六年任政體殊孟浪然而未有貪也尋罷去

李齊襄垣人監生嘉靖六年任

徐昇遠四川瀘州人吏員嘉靖十年任

判官歐陽莘吉安人洪武二年任恤民愛土政從寬簡

祖中立太平人洪武六年任務德寬刑多所建創時各衛勾補軍役率多妄累平民中立視來牒有可疑者輒寢民感其德

劉汝霖九江府人洪武年間判州以作謗虐民及

追贓事伏誅

事見大誥

王崇慶曰臣嘗仰讀我

皇祖大誥皆褒忠而顯良屠奸而誅貪凜凜乎莫可犯也至於臣民造謗尤特惡焉蓋教天下以忠孝之風其皇極也與嗟乎彼說夫贓吏吾恐其聞風而褫魄也乎

徐昱永樂六年

劉厚招遠人

徐銘保昌人俱天順癸未任

李宗旻成化七年以上四人行事不可考

開州志

卷之五

廿四

劉蘭岐山人舉人善罵後以貪敗

劉珍黃縣人監生與池陽公同時行政多效之

蕭允廬陵人監生嘗刻小學於郡齋自為序

蹇益武進人監生

沈鰲嘉定人舉人

姚敏浙人監生

劉鵬四川人監生

馬璿監生

馬汝彭城人監生

楊瓚衛輝人監生君子謂其佞而不質

孫祿濟寧人監生能催科陞知縣去

趙儒三原人監生似有為者以喪歸

李怡長清人監生遲鈍於事後告歸

戴本鰲山衛人監生九年滿去會且轉官審理

江源直隸徽州府人監生富室子美資容後餽餉

京師為宿妓敗職

劉雲封丘人監生為部民所訴罷去

羅育郴州桂東縣人監生

包鳳直隸華亭縣人監生

嚴璪浙江烏程縣人監生

開州志

卷之五

廿五

更目梁賢江陵人天順癸未任

王良

秦茂年雖老而有為弘治間嘗督功修金堤

張桓代州人監生與池陽公同時能捕盜 張雄

傅良相東平州人監生酷好飲終日佔佔然醉夢

而已

來珙陝西人監生

張弼

鄧瑞沂州人監生富室子年甚少後以携妓褫官

史恭山東人監生

楊武平陽人監生

張景愷

劉玠太原人監生嘉靖九年任

明學官紀周道洪武初訓導

丁澄學正

張均河南項城人由鄉舉永樂戊子分教舊志稱其博通經史隨人才器各有造就甲科之英多出其門陞邢臺教諭卒於官子哲著俱以甲科顯今遂為開人云著之姪孫元魁亦以鄉薦歷推濟南會事忤逆瑾戍隆慶未幾復職推大同延安卒王崇慶曰夫甲科之設以登賢也志稱多出

開州志

卷之五

廿六

張均之門則均之教澤宜亦溥矣宜其流慶併及後人也彼有束經高閣窮年不及省課視公何如哉是可式方來矣

閻禹錫洛陽人甫弱冠舉於鄉景泰中訓導博學而敦行克振師範學備五經自公始也每讀書齋閣為諸生倡聲朗朗焉由是士風丕變矣後擢武學教授及監丞尋陞監察御史提督畿內學政士類至今仰之

王崇慶曰聞諸故老刺郡推李嘉祥作教推閻禹錫君子以為公論

俞善金陵人天順四年學正嘗與閩禹錫修撰郡志考之蓋七十年云

蔡澄華陽人訓導

張源清閩縣人舉人成化間學正博學知教見先君漸齋而大悅即許為遠器是時先君學而家貧未娶也源清為主昏侯氏之門先君後果進士弘治庚戌人以源清為知人故源清之聲稱不閩禹錫愧云

姚鳳蒲州人舉人學正之謹厚而通者後官至衢州府同知

開州志

卷之五

廿七

劉岡三山人成化七年學正

林棠訓導

韓政訓導

李孝內江人訓導

崔鑑遼東人弘治三年學正

高乾武進人監生訓導

王輔濟南人監生訓導

王傑安仁人監生訓導

張錦睢州人由鄉舉後舉進士官至淮安府知府黃鑾餘姚人舉人弘治十四年學正循循啓士庶

幾寬柔以教者嘗聘典廣東鄉試文衡卒於場屋
范忠博平人監生訓導嘗酗酒與老生鬪裸體被
髮識與不識皆羞見之

王崇慶曰范氏無文而司鐸劉氏有意而毆
師吾恐其皆不可聞諸鄰也然而范也師長
也是故倍師者無君犯長者無親重本也劉
氏其又何辭

閆傑山東人監生訓導粗而鄙與范忠同時云
楊懷鄭州人舉人弘治十八年訓導博學而好詩
士類多宗之者知大體陞屯留知縣

開州志

卷之五

廿八

何相雲南嶧峨縣人舉人訓導卒於官留葬郡城
外東南之隅

向廷俞長寧人舉人正德元年學正樂易坦率燕
居與諸生相與油油然如家人每試諸生以文而
慶獨若濫受知者自黃向及楊先生皆慶親受業
師

楊德葉縣人監生有壯氣辛未間盜起嘗分隊守
城似非專執於儒官者陞宿松教諭

林馨閩縣人舉人正德七年學正善講而勤者也
每開講堂上執經而環聽者盈庭焉後陞濟陽知

縣諸生爲之泣別

牛惠咸寧人舉人正德十六年學正立範雖嚴而不規規於條貫由始任至終教未嘗受諸生餽論者以爲難陞魏縣知縣

時熙長安人舉人任訓導陞完縣知縣

張潮閩縣人舉人任訓導以憂去源清族孫也

崔鏊安陽人監生任訓導轉魏縣教諭

張紳萊蕪人監生任訓導轉三河教諭

張昇鈞州人監生訓導

胡正鄧州人監生訓導轉教諭

開州志

卷之五

廿九

謝璋桂林人舉人任學正旋改教授

馮琥諸暨人監生嘉靖四年學正

鄭鼐廣信府人監生訓導尋以憂去

張誼江陰人監生訓導轉四川合州學正

任鐘咸寧人監生訓導

張鈿鞏縣人監生訓導

許來學餘姚人舉人學正十四年七月任

王崇慶曰官師艱哉吾觀漢晉而上至於高陽卓哉遐矣然自國初而下官幾人師幾人能官官而師師不貽尸素幾人是故錄其人

於志凡以昭往開來云耳

開州志卷之五終

開州志

卷之五

三十